

NAJÚ RIÁMÚ

XÓ MANE JAWUALÓ JAMI GUKHÁLÓ

Xó monejaómináló tsa xabó ñajualó mujiañaló ñawualo rí mophotseló jamí xí níñambálo nikhúa mixaló gimá rí mujiaá ñawualo gajmá xabó.

Gimá rí morothó xañaló jamí ja'ó né mané jamí munaló gajmá mujiaá iñaló khango maxigá ni moxopho xukhú jamí maxá guídó nandii ní maxekhóné numuxi tsené jaúlone íkhá jún rí naguidó nandii rí nakhuálo wuajulo inu xabó tsi namañu thanú iñaló khango tsí ejen guíma rí mujiaá raú.

Gimá rí magauí xti wuaí jamí mamalo dxadá gama mísgú ejen magó na jayó mumíxu.

MONEJAULÓ GU'WÁ

Rí juba nakha na naskha, na nawuaní rí napholo naxumí xthíkhú ínú xukhú xkhawuí xó ñuu, yajá dígamá tsíní íkhí shukhó ñajún tsí noxphítá nandii khango phú guidó numuri monejaúlo na nuné majalo rí mopholo jamí ná nonoló xuguí rígue mombayúmináló tsá juwualóo' mba gu'wualó khango adá, xabó níkhí gíma rí mamañu mané ja'ó ná xthá.

Guímá rí mambathó gu'wuáloo' khango mathóó gíña jamí moguixelo gamá magauí xthashú wuaíí.

Mone jaúlo gu'wualo moxpríguló aún né magathá ná gumí xukhú xkhawuí jamí moruguálo ínú rí napholo khango xa thuú xkhú khawuí jamí monejaúló ínú ixé xapha na noné majaló rí mopholo jamí ínú rí naphexorámalo jamí phú guidó numurí maguídó xkrugá gu'wualo khango maganú guní khango xú wuadalo nandii na xthithíaló.

Gíma mbúyalo rí muxgumaló na guwualóo' rí mawuatu xukhú xkhawuí numurí íkhí wandá nandii jamí marugualo na guídó ínú gu'wualó khango xathuú jamí guíma rí mawuadolo khíaju gu'wá na manemujú rí mopholo jamí muñawualo rí xíkhí ejen.

Tsí digama gamá xkhíwaá phú nagaó judú nandii numurí gramú ínú rí mixmbá xkhuní nangramú ínú rí napholo khango nambíjíaalo nandii rí nuxílo nomíxalo khango gíma rí ja'ó magné khango xájañalo' nandii.

Gíma rí monejaulo ná nonólo jamí magauí xthatsú maganúne mbayó ákhá' jamí mostráaló' íya niguegó majanú íxú ñuún ímbi o morugualo ná nonólo gamá xthín khango má xuphalo íxú numura khango xayaló nandii gíma rí moxprígumínalo' rí

matha'aló gu'wualo khango xa thóó nandii jamí xukhó na nomíxalo gíma mane shingá na ju'wualo' go'ó xa ríga wueño nandii.

Xí guadíló xukhú khítradí gíma rí má guma khurú jamí mude thana khango xáñun gané nandii jamí gíma rí mujuwé ríxá na mbámbá gu'wá jamí xí nurmajaló ná nuduló gamá iya jubá gídó má nandii rí maxná mbámbá iní ri nuduló íkhá rukho ñajú rí naxnálo nandii khango phú gíma rí mané ja'o na ju'wáa xukhialó jamí íkhalo khango xayaló nandii.

XÓ MONÉJAUÓ RÍ NAPHOLÓ

Gíní jayú gíma rí íkhaló monejaómínalo' edó rí monémajaloo' rí mópholo goó' shudó má rukho gimá rí buyá ejen rí ja'o muní jamí phú gíma rí mbujílo iya mu'waló khango muxu míxaló jamí rigá ímbá iní xo mune ja'olo' iya moxijílóne inú akhá mbá thíwapha mbíí nukhú moyexílóne aún mbá rothó rí ja'o o aún mbaldé jamí wuína ájógoné khango xa dawíí xukhú xkhawuí.

Gíma rí mujíalo xuguí rí mopholo' xo yaó, yaja, rá'khá', ndxáma íwaá iní rí nápholo' magau' gama xabó khango ja'one mapholo numurí aún'né íkha naguwá xukhú xkhawuí tsí nuxnálo nandii rí nomíxalo nuxílo jamí nakhó awualó khango guidó numurí muña'amaló rí mopholó numurí rí phú gído nandii rí no'xelo' mopho íkha rukho ñaju rí nané nandii.

Gíma rí moraxílo rí mopholo ná aún rí ja'o jamí xí najáñaló ejné dithaá gíma rí murugualó' rawualo' gamá ñawuálo' o mbá xthín ja'o xo xphíthaló' nandii jamí gíma rí mugualó ná gu'wá thana majánalo' thana muwualó jamí moxónemajaló rí mophóloo' numurí ikhín nuxphíthalo nandii ikhá rukho dáyú tsí naphoné jamí xí edó nonemajaló rí mopholó rá guímá murugualó mbukhá ó imbá iní rí jubá numurí rukho naxnú nandii rí napholó.

XÓ MŌÑAWUALÓO' RÍ MOPHÓ XUWUÍÍ

Xí napholo xuwuíí ága ó xedé gíma rí mbuyalo' rí rawuadí xukú jamí ra wuadí ñuú' xó ma tsí agá rá gíma ri xa gídí xukú tsí mbíyú ñuú' mañí numurí ikhín xukhú shukhó ñoné rí nomíxaló jamí nuxiló khango phú gídó numurí rí míga mujú rí mopholó khango maxáñalo nandii.

WANÍSHÚ RÍ NAKHÁ AÚN A'JUÁA'

Gíma rí mujíaló wuanishú rí nakha aún a'juáa' numurí ikhí phú nagumá khumá nandii khangó ejdó rí mopholoné magaúne gamá xabó ejdó rí morakhíloné morakhúloné aún mbá xubá jamí maxoníyanolé mbayó weño íkhi ejdó rí mopholone íkha xí xkhaní ejnelóo' ikhá rukho nañaló nandii.

Gíma rí moyexílo wanítsu rígaló na aú n a'juáa' juwaá' khango maxadxú endó xí dáa ejnelorá ná juwúalo' muríguló ná juwua, jamí wína uruguaaló wuanítsu rí napholo ejdó rí mopholoné gíma giní rí wuená á gigáné jamí muñawuló rí maxagoó ejen ejdó nonémajaló rí mopholó khango xikhí.

XÓ JA'O MANÉ RÍ NAMÉ NÁ NANÉ RÍ NAPHOLÓ

Gíma rí wuámbaló níjialo rí ná guma rí napholó gíma rí wená ja'o agaú gamá xábo jamí magadíne matramá mujúné khango moxoné jumbáne tsiní ó iwín xukhú xkhawíí jamí phú ja'o gíma mané ná naphó mu'ún ejen khango má xékho aú n.

NAXKHÁ

Rí wuayú naxkhá rí noxidíló na'gaá rí xugé rá phú nithoó naxkhá rí tsíga khango ríga atsú íni naxkha rí na'gaá rí ñajú stíga jamí rí naxí'íya mbá íni ína thana khangó phú íwií rí xuajén gíma muthamíná xó ejné gamí naxkhá rí tsíga jamí dí xkhundú wandá gamané.

Jamí gíma rí naxkha rí na'gaá raguíma marígá na aú n gu'wá jamí phú gído númú rí monejaúlo ríxó gu'wualó khango xajúwáa' tsíni ó iwíin xukhu xkhawíí tsí muxnáló nandii.

Khango gíma rí naxkha rí norawuílo aú n gu'wá gíma rí magadí na gadxú jamí moneló íña ná nathíne jamí moxoxidíloné ná ríga íya jamí ná migí ríga gu'wá xo naxkhá rigó a'gú ó xndú gíma rí míduné aú n jubá numurí rí ídawá nanemínane yuxkhá.

YUXKHÁ

Xó moné majaló yuxkha gíne mónelo' mbá íña rokho na gadxú ná dá íya gamá aú n íña mané mbá khango ikhí mudríyaló naxkhá rí na'gaá gamá jubá idi rí naganá rawuun mbashún jamí murugualóné gamá ínú ndxáma jamí mudramaló itsí xúdúné khango xa'gá jagú gíña jamí xo ganú naxkha mugualó modriyá jamí ní mitsú moxodríyalo naskhá rí tsígá.

Rí íyii gíma rí mutsíkkaló xó má rí rothó ra moxó tsíkkalóné numú rí gúnujné nané nandii na rí xthíthíalo' ó ná ídaló jamí gíñune nuxmatraaló rí moneló gamá rí rothó modraxiloné numú rí nandó má míthiguawáne rí xugué ó magómá mamáloné jamí phú gídó numurí murugualó gamá jubá ambúú xukhú tsí khitrání khangó maxá dramí dígamá inune magú ínú rí napholó.

DÍ THÁNE GAMÁ AMBÁA

Xí nomíxlo ná aùn mbá íkha ambaló naphó xukhú ikhí xukhú nagó judú nandii na gu'wualó jamí xí nutháló ná míguí rawuun iya ikhá iya nakha jayó ambaló' ikhá naxnú nandii xukhú gamá ína rí khídú khango gíma rí mbambá xuajé mothaminá modaá khísthambá mané mujú na rí mumíxú numurí mbaábá inú xábú tsí mixí mumbañú xuajén tsí naruwuamíná rí mané mujú na maxthá numurí ná mumíxú gíma rí mawuadá khangó maxawuanda nandii.

RÍ THANA MAXÍYÁ

Íkha ñajú píla rí phú gakhí khango gíma rí mamalóné gamá a'juá rí phú ná dayoné jamí moxoxundalóné ñaún ejen jamí ní moxoxidíloné na aùn mbáyaló ní mudríyaloné ná aùn naxkhá gíma rí mudríyaloné aùn, mbá rothó muguá uníñaloné na nisheloné ná numurá khango xá ríga rí gamí jamí xayú nandii xábú khangó xí ríga agú xuajía rukhó gamá maraxná xkhíyú awuaá.